

Ո Ր Ո Շ ՈՒ Մ

Ճանապարհային ոստիկանության. վարչական տույժ նշանակելու մասին 05.03.2018թ. թիվ 1807707012 որոշումն անփոփոխ, իսկ վարչական բողոքն առանց բավարարման թողնելու մասին

<< 03 >> 04 2018թ. 17.4-37429-18/12.4-5019

ք.Երևան

ՀՀ ոստիկանության Ճանապարհային ոստիկանության պետ, ոստիկանության գնդապետ Ե.Կարապետյան, վերանայելով Վահե Թորոսյանի դիմումի քննարկման արդյունքում ստեղծված նյութերը

Պ Ա Ր Զ Ե Ց Ի

Երևան քաղաքի Մայիսի 9 փողոցի 30 տան բնակիչ Վահե Թորոսյանը՝ դիմումով խնդրել է վերանայել Ճանապարհային ոստիկանության վարչական տույժ նշանակելու մասին 05.03.2018թ. թիվ 1807707012 որոշումը՝ նշելով, որ համաձայն չէ իրավախախտման հետ:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտերը վերանայելու հիմք հանդիսանալ հետևյալ պատճառարանությամբ.

Երևան քաղաքի Բաղրամյան-Երզնկյան-Վ.Համբարձումյան փողոցների խաչմերուկի հատվածում առկա է 5.15.1՝ <<Երթևեկության ուղղությունները գոտիներով>> ճանապարհային նշանը, ըստ որի՝ երրորդ երթևեկելի գոտուց թույլատրվում է երթևեկել ուղիղ և կատարել հետադարձ, ինչի պարագայում՝ ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման համաձայն՝ ձախ շրջադարձն արգելվում է:

Վիճարկվող որոշման հիմքում դրված տեսանյութը փաստում է ինչպես 5.15.1՝ <<Երթևեկության ուղղությունները գոտիներով>> ճանապարհային նշանի առկայությունն, այնպես էլ այն, որ դիմումատուին պատկանող տրանսպորտային միջոցը վերը նշված փողոցների խաչմերուկի հատվածում 5.15.1՝ <<Երթևեկության ուղղությունները գոտիներով>> ճանապարհային նշանի ազդման գոտում կատարում է դեպի ձախ շրջադարձեր:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության. վարչական տույժ նշանակելու մասին 05.03.2018թ. թիվ 1807707012 որոշումը թողնել անփոփոխ, իսկ վարչական բողոքն առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակն ուղարկել Վահե Թորոսյանին և ՃՈՏԱՀԽԱ կենտրոն:



Ե.Կարապետյան